

## BANNA BA BUISANA KA KGANG E TONA YA MOENTO

### MERERO YA COVID-19 LE YA THOBALANO

**A moento wa COVID-19 o ka dira gore ke nne le matsapa a go tsogelwa ga serwe sa bonna?**

**NYAA.**

Moento wa COVID-19 ga o tlhole matsapa a go tsogelwa ga serwe sa bonna kgotsa gona go bolaya peo ya go dira bana. Ka fa letlhakoreng le lengwe, fa o ka tshwarwa ke COVID-19:

- serwe sa gago sa bonna se ka palelwa ke go tsogelwa le go dira bana.
- kgonagalo ya gore serwe sa gago sa bonna se tshwarwe ke malwetse a go palelwa ke go tsogelwa e oketsega ka makgetlo a le marataro.

### GORENG BANNA E LE BONA BA BA TLHOKAFALANG KA BONTSI?

Banna (ba ba godileng) ba tlhokofala ka bontsi go feta basadi ka ntlha ya go tshwarwa ke COVID-19 ka ntlha ya gore:

- Banna ka tlhago ba na le kgonagalo e kgolo ya go tshwarwa ke COVID-19.
- Banna go le gantsi ba tle ba goge maoto fa ba tshwanetse go ya ngakeng.
- Ke banna ba le mmalwanyana fela, fa ba bapisiwa le basadi, ba ba tlhabelang moento.

Tla re bontshaneng re le bomorwarre le ditsala botlhokwa jwa go tlhabela moento gore rona mmogo le ba re phelang mmogo le bone re tshela ka pabalesego.

### GO TLHOKAGALA ENG GO TLHABELA MOENTO?

Fa e le gore o na le dingwaga di le 12 kgotsa go feta ga o sa tlhoka go letela go bidiwa! Leba kwa lefelong le le gaufi la go entela mme o ye go tlhabela moento. Ga o sa tlhoka le go letela SMS e e go bolelelang gore o ye kae neng go tlhabela moento.

- Leba teng o tshotse lekwaloitshupo la gago kgotsa lekwalo la mosepele kgotsa setlankana sa boitshupo sa botshabelo kgotsa setlankana sa bofaladi.
- O na le dipotso? Letsetsa 0800 029 999. Re fano go go tswa thuso.

### MABAREBARE

**Mabarebare:** Moento wa COVID-19 o bolaya batho.

**Mabarebare:** O ka tshwarwa ke COVID-19 e e tswang mo moentong.

**Mabarebare:** Ga ke mo kotsing ya go ka gatelelwa ke COVID-19 ka jalo ga ke tlhoke go tlhabela moento.

**Mabarebare:** Moento o tla fetola DNA ya me.

**Mabarebare:** Moento ono o na le letshwao la Bolotsana la 666.

### DINTLHA TSA BOAMMARURI

Aforika Borwa e setse e dirisitse meento e e fetang dimilione di le 22 mo letsholong la yona.

Ga go dipatlisiso dipe tse di bontshang gore go na le motho yo a tlhokafetseng ka ntlha ya go tlhabela moento.

Meento e fokotsa kgonagalo ya go gatelelwa ke bolwetse, go robala kwa maekelong kgotsa go tlhokafala ka ntlha ya COVID-19.

Nnyaa! Ga go kgonagale gore moento wa COVID-19 o ka go tshela ka mogare wa COVID-19 gonne moento ono ga o na mogare ono mo teng ga ona.

Moento o go fokoletsa gore o se gatelelwe ke bolwetse jono fa bo go tlasela, le fa go le jalo, ga o go thibele gore o se tlhole o tshwarwa ke bolwetse jono go nne bona bo ka go tshwara mme wa bo fetisetse mo bathong ba bangwe, mme ka ntlha ya seno go botlhokwa gore o tlhabele moento.

Moento ga o fetole DNA ya ope.

Moento o diriwa go ya ka maemo a a kwa godimo a sesaentshe mme ka jalo ga o kopane ka gope le tumelo epe kgotsa matimone ape.